

NOW FOR  
COOLNESS  
AIRCONDITIONING  
Tel. 2178



# ARUBA ANSE COURANT



Diario pa



Aruba



Año 24

DIABIERNE 16 DI AGOSTO 1963

No. 4717

APUNTES EDITORIAL

## Voz di kende nos ta?

Nos lectoran entretanto ahi; nos concurso, den cual nos a laga nos abonadonan eligi un number pa nos corant actualmente ya caba ta un gran éxito.

A bira pa nos tur un gran éxito, pasobra esaki a duna nos un idea cu gran di e familia di lectoran di Arubaanse Courant ta y alavez a duna nos e prueba cu ningun corant na Antillas ta asina popular cerca pueblo manera esun di nos!

E correspondencia di nos lectoran, cu ta publica den un parti di e corant aki, ta testifica con e mayoria di "nos familia" ta bira den e mundo, te den e skitnanan mas akén.

Sin embargo e concurso especialmente pa Bo redaccion tambe di un otro manera a bira un éxito. Nos a descubri for di esaki cu e rumbo cu nos ta sigui, ainda ta esun correcto. Nos a mira esey na algun di e nombernan cu nos a ricibi y net esnan cu nos lectoran mester a bari probablemente mas tantu.

Pues: tarten cu un parti ta jama nos "Voz di P.P.A." y e otro parti ta jama nos "Voz di A.V.P.", nos sa cu nos ta traha bon. Asina cu tur bende lo bai bise cu nos ta "Voz di P.P.A." y ningun hende jama nos "Voz di A.V.P." mas (of al revés), e ora nos mester paga algo, como algo asina lo nifica cu nos a bira parcial den nos dunamento di noticiarnan. Y esey ta net loke nos ta trata pa evita ocho anja y mei caba.

Pesey nos no ta preocupá ora cu politiconan ta bise nos cu nos ta di otro partido, esta tanten politiconan di ambos partido ta bise esey. Y esey te ainda afortunadamente ta e caso.

Arubaanse Courant no ta partidario di ningun partido politico. Nos a jega di splica riba e lugar aki antes caba: e partido cu nos ta apoya ta consisti di politiconan cu en herdad ta duna tur loke nan tin pa sirbi interes di Aruba?

Y e politiconan aki ta parti entre e tres partidonan di Aruba. Tambe nan ta lastimamente poco en cantidad. Pero e hendenan aki por conta ariba completo cooperacion di Arubaanse Courant. Pasobra pa e corant aki solamente un cos ta importante e bienestar di e isla aki, e pueblo aki.

Esaki e abonado cu a propone como number nobo pa Arubaanse Courant "Diario di Pueblo" a mira masha bon. Nos no sa ainda si e number aki lo ser eligi, pero adecuado e ta sigur. Pasobra asina nos y nos lectoran kier: "Diario di Pueblo".



Awe mainta a jega Aruba senior Eric H. Stevenson, president di e organizacion internacional di Jaycee. El a word acompaña pa senior Jaime de Soia, presidente di e departamentu di Antillas. Awe noch senior Stevenson lo regresa en compania di e delegacion Arubano pa e convencion nacional pa Corsow, caminda e convencion ta cuminsa malan caba oficialmente. E apertura oficial lo tuma lugar pa senior Stevenson.

## Estado di sitio na BRAZAVILLE despues di incidentenan serio entre Africanonan

### Casnan di oficialnan di gobierno a worde sendi na candela

**BRAZAVILLE, 16 agosto** — Na Brazaville, capital di republica Congo, ex Canga Frances, nan a proclama estado di sitio. Den barionan Africanan nan ta bringa te ainda. Gendarmeria a trata akinan pa mantene orden. Te ainda a muri 4 persona na e irregularidadnan. Africanonan a sende casnan di e ministerion na candela y despues casnan di delegadonan.

Nan a serra e barionan. Di fuertenan fidedigno nan a participa cu gendarmeria a pasa ajera door di barionan cu e Africanonan a pone na entrada di e barrio Poto-Poto, y a drenta den e barrio aki.

E estado di sitio cu nan a proclama na Brazaville lo dura 15 dia. E festividadnan di awe na honor di e hecho cu e republica a hania tres anja mienta cu prome e lo forma un gobiernu. Manera anuncia miles di demostrante a sali antea pa prison. Nan a logra libra e prisioneronan. A conduci e demostracion miembronan di sindicato.

Ajete noch president Joelle a aboli tur minister di nan puestonan, cu excepcion di minister di asuntunan exterior cu ta tambe segundo president, minister di estado y minister di husticia.

#### Gabierna noba

Den un discurso cu president Joelle di Kongo a tene na radio, el a priminti cu prome e loforma un gobiernu nobo y despues e lo lanta e partido di union manera el a anuncia.

Joelle a declara cu el a delibera cu tur agrupacionnan politico tocante formacion di un grupo chiqui di experionan y hombernan di buena fe, kende lo tin como tarea principal establece reconciliacion nacional.

Sin e reconciliacion ey lo no ta posible pa realiza e partido di union, asina e president a bisa, continuando cu un animacion na e poblacion pa reanuda su ocupacionnan normal di tur dia.

Tocante e forza di e trupanen Frances, cu ajera a interveni durante e irregularidadnan na Brazaville, circulonan di e ministerio Frances di exterior na Paris a participa, cu tabata trata di algo menos cu 2.000 solda. Gobierno di Kongo tabatin derecho pa pidi yudanza militar di Francia a base di un acuerdo entre Kongo y Francia pa cooperacion, y gobiernu Frances a acepta e peticion pa duna yudanza.

Normalmente e militarnan Frances ta encarga cu vigilancia di e edificio publico na Brazaville.

E servicio di lancha entre Brazaville y Leopoldstad a worde suspende riba orden di polis di seguridad na Brazaville. E trafico aerea entre Brazaville y e capital di Kongo si ta sigui normal.

Segun e ultimo noticiarnan ricibi na

#### INVITACION PA TOERNOOI DI PESCA NA BONAIRE

**ORANJESTAD, 16 aug.** — E comite di Toernooi di Pesca na Aruba a hanja un invitacion oficial for di Bonaire pa participa na e di cinco encuentro internacional na Antillas di spearfishing y trolling cual lo worde organiza dia 14, 15, 16 y 17 di november na Bonaire. Esaki lo ta e prome lusum di e Toernooi Internacional di Pesca na Antillas y segun noticiarnan ricibi for di Bonaire un programa atractivo ta worde prepara.

Dia 8 y 15 di september e encuentronan pa seleccion lo worde teni na Aruba, di cual e miho grupo di spearfisher lo bai representa Aruba oficialmente na Bonaire. Esunnan cu ta interesa pa participa por acudi serca senjornan Edwin de Cuba y Nicky Ecury.

Leopoldstad, situacion na Brazaville ta tranquil a robe. Pero e noticianan tocante e situacion den e barionan di hendenan color seur ta bruta. Parce cu esquinan ainda ta rondona pa militarnan, pero pa un partinan ta den man di e poblacion revolucionaria.

#### REUNION ENTRE INGLATERRA Y E.E.G.

**BRUSSEL, 16 aug.** — Ministerian di Asuntunan Exterior di Inglatera y seis paisnan di E.E.G. lo reuni dia 25 y 26 di october na Brussel pa delibera tocante kuestionnan relaciona cu unificacion Europeo en general y e deliberacionnan entre Inglatera y E.E.G. en particular, asina nan a anuncia di tuer diplomático den capital Belgo.

Lo conchisi e conferencia e minister Hulandes di Asuntunan Exterior, mr. Luns.


#### DIRECTIVA NOBO PA CLUB BONERIANO

**SAN NICOLAS, 16 aug.** — Ultimamente e directiva di Union Mutualista Boneriano a eligi un directiva nobo, den cual senior Moises Sinjago a bira president, mientras cu e otro puestonan a worde parti como lo siguiente: Vicepresident, Cornelio Mariet; secretario general, M. P. Boekhouder; tesorerio, Verlo Paula; segundo secretario y encarga cu public relations y asuntunan cultural, John Hart; segundo tesorerio, alavez encarga cu e bar, Rudolf Wout; tercer tesorerio y alavez encarga cu contribucion, Wilson Sint Jago; comisario encarga cu recreacion, manera ajedrez, etc. H. J. Boezem; comisario encarga cu deporte Eloy Janga y comisario y alavez representante pa Oranjestad Basilio Martinus.

#### CRUZ ROJA TA WARDAR Ariba Ayudo pa SKOPLJE

**ORANJESTAD, 16 aug.** — E departamentu di Cruz Roja Hulandes na Aruba a habri un cuenta na tur banconan di Aruba pa ricibi yudanza pa e ciudad Skopje na Yugoslavia cu a worde destrui pa temblor. Cruz Roja ta spera di hania yudanza mas parti den forma di placa.

HAVE A REAL CIGARETTE  
HAVE A  
CAMEL



ARUBA'S FAVOURITE CIGARETTE

#### REUNION COMISION DI CONTACTO

**SAN NICOLAS, 16 aug.** — Dia 24 di luna aki un reunion lo worde organiza na Corsow pa e comision di Contacto di Comercio di Aruba-Curaçao. Lo worde delibera tocante di e statutan pa establecimiento di un Camara di Comercio Antillano-Venezolano. Den e comision di contacto tin representantenan di e camaranan di comercio di e organizacion di comerciantenan di e dos islanan.



No, esaki no ta un coneccion di tubo den desierto Sahara na Africa, door di cual petroleo ta worde manda pa companianan di azeta y bapornan. Esaki ta un parti di e linja di tubonan cu na e momento ta worde poni rond e tereno di e futuro aeropuerto di jet. E tubunan aki lo ta e coneccion mayor entre planta di awa na Balashi y Oranjestad te na Westpunt, cu lo remplaza e coneccion cu na e momento ta pasa bau di terra banda di caminda principal. Segun nos a worde informa e coneccion nobo aki ta worde troha rond di e futuro aeropuerto pa elimina cualkier dificultad cu por resulta despues si e tubo worde pasa bau di e pista di aterizaje nobo di e aeropuerto. Por ehemplo si e pipa worde pasa bau di e pista y despues e hanja un lek, e por caba bau di e pista, loke por causa danjonan grandi. Na e momento trahadonan di D.O.W. ta cobando e lugar necesario den cual e pipanan lo bini. Henter e pida nobo aki lo tin un largura di 1.500 meter. E coneccion di e pipanan lo worde haci pa trahadonan di e empresa di awa.

## Candidatonan di I.O.W.U.A.

**ORANJESTAD, 16 aug.** — Durante e reunion cu ultimamente a worde organiza pa e miembronan di Independent Oil Workers Union of Aruba, algun cambio a tuma lugar. No cambianan en cuestion cu e candidatonan cu a worde proponi pa e miembronan dia 28 di juli ultimo, pero cambio como cu e advisornan huridico mr. Willemssen y Wix a renuncia como tal di I.O.W.U.A. pa motibu cu nan no por a uni nan mes cu e exigencianan di e mayoria di miembronan kendenan ta prefera pone statutan y reglamentonan interno di I.O.W.U.A. un banda, pa sigui loke nan ta desea.

Segun informacion ya I.O.W.U.A. a aserca mr. P. v.d. Voort cu un peticion pa e bira e advisor huridico di

**FATUM — Tel.: 1845**  
pa tur ba aseguranan

**T.C.A. NO 2 Ariba ROUTA NEW YORK-SAN JUAN**

**ORANJESTAD, 16 aug.** — Ultimamente senior Irving Buckley, vicepresidente di Trans Caribbean Airways a anuncia, cu e parti di su compania den e trafico aereo entre New York y San Juan Puerto Rico, a aumenta den tempo di dos anja, for di 13,7 porciento pa 21,1 porciento. Den e mes un periodo e transporte di P.A.N.A.M. aribi e ruta aki a subi for di 54,7 porciento pa 56,5 porciento, mientras cu Eastern Air Lines a baha for di 31,6 porciento pa 22,4 porciento.

Senior Buckley a constata cu satisfaccion, con awor T.C.A. a yega Eastern Air Lines. Awor nos ta bai mira vega na cabes" segun su declaracion.

#### EXPOSICION DI PINTURA NA Y.M.C.A.

**ORANJESTAD, 16 aug.** — Desde 23 di augustus venidero, Y.M.C.A. lo tene un exposicion di pinturanan. Aki ta trata di un exposicion di pinturanan di un grupo di mas o menos 20 alumno di e conocido pintor John Pandellis. E exposicion lo ta den e edificio di Y.M.C.A. na San Nicolas, d'abierne 23. Diasabra 24 y diadomingo 25 di augustus for di 6'or y mei te 9'or p.m. Entrada ta gratis.

#### FERIA DI CARIBE A KEDA POSPONE

**ORANJESTAD, 16 aug.** — E Feria Cacique di Caribe Cluh ta cuminsa hira un gran éxito. Ya caba e cantidad di bishitantenan cu a bishita e feria durante e dos ultimo weekenden a pasa cinco mil. Si nan tabatin intencion pa habri e feria tambe dia 17 y 18 p.m. awor a keda dici di pa cambia e fecha aki pa dia 24 y 25 di luna aki. Si tambe despues di esey e feria lo por worde hisha un hiaha mas, actualmente ta forma un punto di deliberacion.

Sra. T. Kerpel:

## Problemanan pa Antilianonan na Hulanda ta placa y muher

**ORANJESTAD, 16 agosto** — Durante algun dia ta bishitando nos isla, senjora T. P. Kerpel-Dijkgraaf, un moestra di historia y idioma Hulandes no Thorbecke Lyceum na Den Haag, Hulanda. Senjora Kerpel ta un di e diferente damanan cu ta yuda e studentenan Antillano na Hulanda cu nan problemanan personal. Den e casa aki ta un di e persananan cu ta yuda e studentenan completamente como un voluntario personal, esto sin cobramiento.

Despues di a bishita Merca y Corsow senjora Kerpel a bin Aruba, caminda e lo keda tres dia. Segun senjora Kerpel a bisa nos, e ta bishitando e islanan aki pa motibu di un interes, cual durante e anjanan cu e ta trata cu diferente studentenan Antillano na Hulanda, el a hanja pa Antillas. Tur esaki a cuminsa 6 anja pasa. Den e klas di senjora Kerpel na Hulanda tabatin e tempo ey un hoben di Aruba, kende tambe tabata bai school na Hulanda, mecos cu hopi otro hobennan di Aruba y Corsow. E hoben aki den eumizamento tabatin problemanan cu tabata stroba di studia of cu tabata haci su studiamiento mas dificil. E hoben aki tabata Pedro Velasquez, yiu homber di familia Velasquez, kende ta biba na Boliviasstraat 7, na Socotoro, caminda senjora Kerpel ta pasa su dianan di vacacion na Aruba. Segun senjora Kerpel, ora cu el a ripara cu e hoben aki tabatin cierto problemanan cu tabata stroba su estudio, el a dieldi di papia cu e personalmente y mira si e por yude. E prome contacto aki cu un hoben estudiante for di Aruba, a resulta cu awor senjora Kerpel ta e "mama" pa hopi Arubananan na Den Haag.

#### Cuminsamento

Manera cu e maestra di historia y idioma Hulandes a solicita nos, den eumizamento e mester a papia hopi y combersa hopi cu e hobennan prome cu e por a comrende. Kiko ta exactamente nan problema. Esaki ta pa motibu cu e tabata comrende

masha poco ainda di e mentalidad di e Antilianonan y pa di dos e Antilianonan no ta persananan cu ta corre conta un hende stranjo nan problemanan personal asina liber. Mayoria ta prefera tene nan problema pa nan mes, te ora cu nan resolve of te ora cu e problema domina nan y stroba nan completamente cu nan estudio y tin biah, hasta haci cu nan ta scohe camindanan menos bon pa nan futuro. E dama aki di 50 anja y esposa di un dokter, sin ningun interes a cuminsa yuda e Antilianonan cu a bin serca di e cu nan problemanan.

#### Problemanan mayor

Panando tocante di e diferente problemanan cu e Antilianonan ta encontra na Hulanda, e dama aki a splica nos cu e problemanan di mas grandi pa e Arubananan y tambe Curazolenan na Hulanda ta, placa y muher. Placa ta un problema pa e Antilianonan na Hulanda, como cu e sistema di placa na Antillas ta completamente otro na Hulanda. Na Aruba y Corsow ora cu un yiu cu ta bai school ainda kier bai un pelucula of fiesta e ta pidi mama of nan algun florin pa e cubri e gastonan di e anochi ey. Y asina cada bisha cu nan kier bai un caminda, pana of mania tin di duna e placa. Pero ora cu nan yega Hulanda, sin ningun informacion cu por yuda nan cu alor, nan ta hanja un voogd macamba, kende segun sistema Hulandes ta perextra pa tur luna e hoben di cual nan ta voogd, hanja 20 of 25 florin loke

(Sigui lesa na pag. 2)



# Situacion tenso na Brazzaville despues di demonstracionnan

BRAZZAVILLE, 14 agosto — Den capital di Congo, polis a corre cu milles di demonstrante caminda nan a haci uso di arma. E demonstracionnan cu ta existi reforma di gobierno, a logra kibra cordun di gendarmeria y kier a libra e presman den prison. Despues nan a semel prisa na caudela. Entre tanto nan a corre cu e demonstracionnan na dos barrio Africanu importante e ciudad.

E situacion a keda tenso.

Den e centro comercial di Brazzaville tin piedra y scherf di glas tur caminda riba casa. Ta rondou palacio presidencial trapanan bon arma. Radio Brazzaville te ainda no a menciona irregularidadnan tampoco nan a saca un comunicado oficial.

Ta azota e ciudad actualmente un huelga general. Cayanen ta casi desola y nan ta patruya cu jeepnan. E Africanonan mes a pone barricada pa tur entrada importante. Ta conduci e demonstracionnan sindicacionnan cu ta existi reforma di gobierno. Tabata e intencion cu nan lo tene e demonstracion dilanti oficina di trabau na Brazzaville, caminda president Youlou lo papia na un reunion tocante formacion di un solo partido politico y abolimientu di tur otro partidonan.

Segun observadornan politico president Youlou a priminti pa delibera cu

sindicacionnan despues cu e lanta e partido menciona. Testigonan a conta, cu e demonstracionnan a bai pa un plaza grandi dilanti e stacion ora cu a resulta cu gendarmeria a ocupa e oficina di trabau. Akinan oradornan a exigui liberacion di dos lider sindicalista, cu polis a aresta. E 7000 demonstracionnan despues a rancu pa e prison.

Durante brigamentonan un Africano a muri. E Francesnan na Brazzaville no a sali di nan cas. Te ainda nan no a cuminsa ningun accion contra e Europeanonan.

President Youlou tin 45 anja, ta anti comunista y pastoor catolico. E ultimo puesto e no ta checuta mas, e tabatin diferencia di opinion cu autoridadnan eclesiasticos tocante su status pero e ta usa su titulo di pastoor catolico.

Conge Brazzaville tin 800.000 habitante. Tin te ainda relacionnan intimo cu Francia tanto riba terreno economico como riba otro terrenonan.

## AWENOCHI PREMIERE "A WORLD IN TUNE"

ORANJESTAD, 16 aug. — Diabierne dia 16 y dialuna 19 di augustus, e coro mixto "Vivons en Chantant" lo duna presentacion respectivamente den Centro Cultural na Oranjestad y Lago Heights Theater na San Nicolas. Di su programa "A World in Tune". Melodnanan popular for di no menos cu 13 pais lo worde canta, di cual tambe hopi musica Antillano. Fuera di "Aruba Dushi Tera", cu eual e anochi ta worde habri, tin tambe e tumbanan "Dalia" y "Haragan Golos" y e walsnan "O.K. Antillas" y "Pa Ma". E musica pa coro a worde scirbi door di Rufo Wever (Dalia) y e dirigente Ad Stenzen. Padu del Caribe lo ta esun cu lo ta tras di e piano durante di e interpretacion di e piezanan aki, mientras cu directamente despues di paiza lo e por worde scucha den algun piezanan solo, di su ultimo disco. E numero cu cual "Vivons en Chantant" indubablemente a cosecha hopi exito unja pasa, tabata "Grootvaders Klok" un kooparafrase di e conocido cancion di Lex Karsmeyer. Di dje lo tin ariba e programa e biha aki, dos pieza, "Ik heb mijn wagen volgeladen" y un parafrase di "Slaap kindje, slaap". Durante e composicionnan aki, senjorita Irma Arrindell lo tin un papel importante tras di e piano, en cooperacion cu su rumen Robert (bas) y Sinclair Barry (drums). Pa e musica Antillano y Sur Americano, e seccion di ritmo lo worde extendi cu Lucio Rivadeneira (maraca-raspa) y Romulo Fingal (quinto). Den "Chaquane's Burning" y "Gypsy Love Song", soprano Ester de Castro ta tuma e partinan solo pa su cuenta. Trio los Aventureros cu ya durante algun anjanan tur s'man ta actua den Aruba Caribbean Hotel y asina a hanja hopi fama, tambe lo presenta algun numeronan e.o. "Cancion de Orfeo" y "Cuando Caliente el Sol". Dia 23 y 24 di augustus e programa aki lo worde presenta den Jeugdhuys na Bonaire.

Senjor Ad Stenzen kende probablemente lo keda na Aruba te na fin di october; despues di "A World in Tune" en todo caso lo duna un presentacion mas, promer cu e bai for di Aruba. E presentacion aki lo ta hunto cu e coro di Iglesia protestante. Esey lo ta na fin di september.

**YABI**

pa bo exito

Avisa den  
ARUBAANSE  
COURANT  
y compara e  
resultado!



a caba di jega un  
surtido grandi di  
**THERMO** den  
diferente modela y  
tamanja  
\* Boea hanchu — pa  
camente of friu.  
\* Pa school, trahu,  
pienle etc.  
**ACME STORE**  
San Nic. tel. 5381 - 5384

**E PARAISO DI TELA!**  
NASSAUSTRAT No. 34  
(NOBO — NOBO)  
Nos a caba di habri Dacron-Poleys-  
ters, masha bunita disenja. Tela pa  
Sport den cotornan hibo, tambe pa  
traha bistr di Shift, Corduroy, algo  
nobo, den 6 diferente color. E fa-  
moso tela "MALA BANA", espe-  
cialmente pa traha flus na houbur  
of saya small pa mucha muher.

**TA BUSCA  
DOS WAITER**  
cu experiencia, mester par-  
traha den Bar.  
Sin experiencia ta inutil  
pa solicita.  
**HOTEL CAPITAL**  
Windstraat 4, Oranjestad

**YOU CAN PAINT YOUR HOUSE  
AND YOUR BOAT**  
in any color, with the best paint  
at reasonable prices:  
**SAPOLIN - housepaint**  
&  
**WOOLSEY - marinepaint**  
Also for paint-brushes in all sizes  
the best address is  
**ARUBA HARDWARE C.V.**  
(Brenchi)

**NAN A JEGA ATROBE!**  
**CORTINA DI BAMBOE**  
E cortina cu mil y un ventaha, y cu  
ta duna bo hogar e "good look"  
especial!  
Pasa awe mes y welta nan na  
**MESKER ARUBA**

## PROBLEMANAN PA

(Continuacion di pag. 1)

motibu cu unavez cu nan ta na Hu-  
landa, nan ta sinti nan mes solitario,  
como sikiera bandona pa famia y la-  
ga nan so entre stranheronan cu nan  
no por comprende nan maneranan di  
bida y haci. Y nan recurso ta e ora,  
busca un hende cu ta musira interes  
algo cu por haci nan lubida tur esaki.  
Y hopi e ora ta escoge e caminda  
menos mihor pa nan. Muhernan di  
bida, un mucha muher na kende su  
cas nan ta worde ricibi cu carino y  
cu tin biha apesar di hon intencion  
ta resulta den un problema mucho  
mas grandi, un problema ariba cual  
hopi nan estudio a fracasaa.

Esaki tur, segun senjora Kerpel pa  
falta di bastante informacion. For di  
banda di majornan of maestronan di  
school kendenan sabi cu nan alum-  
nonan lo bai studia den exterior.

## Mas informacion

Senjora Kerpel a bisa nos en lo ta  
un bon eho si e dokternan Antillano  
cu ta traha awor na nan mes islanan,  
haci e esfuerzo y duna informacion to-  
cante di sexologia na e hohonan cu ta  
sali pa bai studia y tambe en e studian-  
tenan cu anjanan largo tabata studia  
den extranheria y conoce problemanan  
cu nan a hanja na e pais caminda nan  
a studia, conunto duna e futuro estu-  
diantenan un bon informacion, cuil  
despues por ta un gran ayudo durante

nan tempo di estudiante. Y no unla-  
mente e futuro studiantenan mester  
hanja un bon informacion tocente di  
sexologia, pero ambe tur e hohonan di  
Aruba. E problema di informacion to-  
cante di sexologia ta un problema cu  
ta existi na tur parti di mundo. Pero si  
e informacionnan tocente di esaki no  
worde duna, e problemanan ta bira mas  
grandi. Mas mamanan cu yiu sin casa,  
y tambe mas famlanan di 9 y te hasta  
12 yiu, locual den e tempo aki di sear-  
sidad di trabau, ta freee problemanan  
enorme. Tur esaki segun senjora Ker-  
pel, pa motibu di falta di informacion  
adequado tocente di sexologia.

## Encanta di Aruba

E dama Hulandes aki, kende ta un  
"mama" pa hopi estudianti Antilla-  
no na Hulanda y cu sabi di papia ho-  
pi, tocente e problemanan di su "yiun-  
nan", mesos cu cada mama, apesar  
di tabata sinti calor durante su  
comersacion cu nos, no por a laga  
di bisa y bolbe bisa con encanta e  
tabata di e isla y e hendenan di e is-  
la. El a informa nos cu el a worde  
ricibi na un manera cu hama den su  
bida e lo por lubida. Cu carino, a-  
tencion y amistad. "Un isla bunita,  
un boulevard di cual hopi lugar na  
Mar Mediterraneo lo ta jaloers, cu  
un beach unico", esaki tabata e im-  
presion cu e dama, kende na Hu-  
landa ta lucha cu problemanan di  
studiantenan Arubano, a hanja di e  
isla di su "yiunan".

## MORTO NA DESGRACIANAN

Na Turquia, na zuid di Izmir, un  
truck a corre baha den un precipicio,  
door di cua 12 persona a muri y 29  
a keda herida. Na 60 kilometer di  
Tarsus un auto di famia a corre bai  
dal contra un tanker, cu e pega can-  
dela. Tres hende grandi y dos mucha  
a muri kima na bida.  
mingo.

## OPORTUNIDAD UNICO!

Ta bende na prijsnan  
masha atractivo algun  
**BISTIR SIZE 14**  
tambe algun  
**SAPATU SIZE 7B**  
Varios nobo, algun casi  
nobo! Gara e chens aki.  
Pa informacion jama  
**Tel. 1270**

## AWOR OBTENIBLE NA

## Panama Store ROMART

INTERIOR — EXTERIOR  
ROMART TA UN VERE  
MODERNO, CUIDADOSAMENTE  
MESCLA PA PROTEHA E SU-  
PERFICIE COMPLETO.

Proteccion den cada galon.  
**1 galon f. 5.10**  
**1/4 galon f. 2.25**  
També tin tur sorto di KWASHI.

## Baratillo!



Ariba tur articulo pa bo juman  
bai school. Prijsnan a la stela pa  
CAMISA, CARSON BISTIR PA  
MUCHA MUHER, KEDS, MEA,  
SAPATU, JOCKEY etc. etc.  
No spera pa ultimo dianan prome  
cu school habri, haci bo compras  
AWOR na

## La Linda

## TA BUSCA

Un mucha homber pa parti  
Arubaanse Courant na STA. CRUZ  
— PAPILON — MACUARIMA y  
BOTON.

E MESTER TIN BICICLETA.

Pa inf.: Aendi na ofisina di  
Arubaanse Courant,  
mainta entre 8 — 9'or.

It just...  
**LOOKS**  
...expensive

gracias na e staf di tecnicoan cu  
ta duna bo tur informacion pa pla-  
nea bo cas, renovacion of recon-  
struccion na un prijs masha razo-  
nable.  
**PETRONA & CROES**

## EILANDGEBIED ARUBA

De Gezaghebber van het Eilandgebied Aruba maakt bekend dat met ingang van 19 augustus 1963 een ge-  
deelte van de hoofdweg Oranjestad—Sint Nicolaas in  
verband met werkzaamheden aan de Prinses Beatrix-  
luchthaven (verlenging airstrip) blijvend wordt geslo-  
ten verklaard VOOR ALLE VERKEER, in verband waar-  
mede de volgende verkeersmaatregelen zullen gelden,  
t.w.:

- dat het doorgaande verkeer van Oranjestad naar Sint Nico-  
laas wordt omgelegd over de weg Oranjestad—Santa Cruz,  
langs de Hoolberg en vervolgens over de weg Santa Cruz  
—Balashi, langs Jan Fleming, en in omgekeerde richting;
- dat het verkeer van Oranjestad naar de luchthaven wordt  
omgelegd via de Fergusonstrant, Wayaca, Mahoeina en  
Simon Antonio en in omgekeerde richting.

De afsluiting en wegomleggingen zullen worden ken-  
baar gemaakt door de daarbij behorende verkeersbor-  
den en verkeerstekens.

## BO HOROSCOPO PERSONAL

ARIES  
21 Maart — 20 April

Awe lo bo hanja  
un noticia agrada-  
bel. Bo judanza na  
otro lo ser apre-  
cia, tene cuidao  
den trafico di ano-  
chi.

TAURUS  
21 April — 20 Mei

Sea optimista den  
asuntunan di amor,  
esey lo juda bo pa  
logra loke bo kier.  
Bo por tuma un  
chens chikitu.

GEMINI  
21 Mei — 20 Juni

Luga tur cos bai  
manera nan ta bai  
y tene cuidao pa  
tuma medidanan.  
Bo tin hopi in-  
fluencia riba hen-  
denan rond di bo.

CANCER  
21 Juni — 22 Juli

Aspectonan favo-  
rable ta juda bo  
pa logra exito den  
bo asuntunan di  
mas importante.  
Sea carinoso cu  
personanan nobo.

LEO  
23 Juli — 22 Augustus

Bo aspectonan fi-  
nanciero a mehora  
hopi, bo por han-  
ja gananshi of po-  
ne un base pa en-  
tradaan den fu-  
turo.

VIRGO  
23 Augustus — 22 September

Awor bo por bai  
dilatanti den bo tra-  
baw; bo tin influen-  
cia riba otro y bo  
por lanza bo idea-  
nan.

LIBRA  
23 September — 22 Oktober

Prepara bo mes  
pa hala atras. Awe  
ta un dia pa trabao  
preparativo. No  
descuida bo con-  
ciman bieuw.

SCORPIO  
23 Oktober — 22 November

Awe ta un dia cu  
bo por pone e ba-  
se pa aumenta bo  
entradanan. Tam-  
be awe contacto-  
nan cu otro lo ta  
importante pa bo.

SAGITARIUS  
23 November — 21 December

Awe lo bo hanja  
bon noticia serec  
otornan. Bo quilo  
ta correcto den as-  
untunan di nego-  
shi y acuerdonan.

CAPRICORNUS  
22 December — 19 Januari

Luna jen ta duna-  
bo oportunidad pa  
solucionar tur pro-  
blema personal.  
Haci algu pa evi-  
nan cu ta malu of  
tin necesidad.

ACUARIUS  
20 Januari — 18 Februari

Laga bo partner  
tuma iniciativa a-  
wo. Coopera poco  
y no forza bo vo-  
luntad riba otro.  
Bo mester scucha  
mas cu bo ta pa-  
pia.

PISCES  
19 Februari — 20 Maart

Awe ta un dia cu  
aspectonan finan-  
ciero. Bo por tin  
exitu den bo ac-  
cionnan riba e ter-  
reno aki basta bo  
bai cu poco reser-  
va.

**J. P. W. F. LAKKE**

doctor na nervio

A muda for di:

Awakatistraat 12

pa

**BILDERDIJKSTRAAT 4**

Telefoon 1184

## CENTRO CULTURAL ARUBA

## "A WORLD IN TUNE"

Presenta pa e Koor mixto

## 'VIVONS EN CHANTANT'

cu cooperacion di e.o. PADU DEL CARIBE y

TRIO LOS AVENTUREROS

Dirigente: AD. STENZEN

Diabiernes 16 di agosto 8.30 p.m. na Centro Cultural  
(Tur kaarchi ta bendi caba)

Dialuna, 19 di agosto 8.00 p.m. na Lago Heights Club,  
San Nicolas, entrada f 1,50.

Kaarchi ta obtenibel delantá na negoshinan di DE WIT y anochi na porta.

NO TIN RESERVACION DI LUGAR

## INIGUALABLE

## CINZANO



CINZANO  
TA E BEBIDA  
MAS DUSHI  
DEN E CLIMA  
AKI

**CINZANO "RED (sweet)  
BIANCO (white sweet)  
and DRY"**

\* Agente: E. & G. MARTIJN (ARUBA) LTD. \*

## CISCO KID presenta pa cortesia di ARUBA BOTTLING COMPANY

e promer fabrica di refresco na Aruba, en e productonan mas  
gusta y mas pidl. NESBITTS e refresco sin igual.




1. Kico bo tin mester?  
Senjor mi ta representa un  
pais caminda tin dos fuerza  
contrario.
2. Y esunnan cu ta afor di  
gobierno, kier bibe, no?  
Si, y esun cu tin mester  
armacion lo gana.
3. Den cualkier caminda  
nan ta prepara un revolu-  
cion... Cu por resulta masha  
lucrativo!



## PEPITA pa cortesia di: Antillian Hardware Co

E mehor adres pa VERF, KWASHI, TUR CLASE DI HERMENT, articulos sanitario.

1. Baja die! Esei ta mi stool.  
Eman bo no mester tal.
2. Ja mi a bisa bo mas cu  
mit bez y bo mester tende  
di mit!
3. Corda bon cu ta 2000 ta  
manda aki y bo mester tin  
respet y consideracion.
4. Ja mi no sa kico mas pa  
haci, pa e tuma mi na serio.









# CONCURSO „NOMBER NOBO” A PRODUCI 822 NOMBER

*Lectornan a reacciona cu hopi cartanan carinjos*

ORANJESTAD, 16 agosto — For di tur skina di nos isla nan a drenta serca nos ultimo siman, esta e nombrenan nobo cu nos abonadonan a propone pa „Arubaanse Courant”. Nos lectornan no por a duna nos mihor prueba, cuanto nan ta sinti pa nan propio di boso corant tabata para rond di e seru di remesanan, completamente pa e sentimento di nos abonadonan, y mas cu nunca, esaki a duna nos curashi pa continua cu „Arubaanse Courant” y diariamente lucha pa

Nos a ricibi remesanan for di majornan, muchanan, comerciantenan prominente y pintornan, di nos bisinjanan y te for di Weg Kusthatterij y Salluja Serka. Algun abonadonan — esta nos ta spera cu ta unicamente abonadonan a participa, como cu no-abonadonan no por gana un premio — a skirbi nos cartanan largo, den cual nan ta conta nos kiko nan ta pensa di „Arubaanse Courant” of pakiko nan ta haya e nomber cu nan a scohe esun di mihor pa nos corant na Papiamentu.

Como cu nos a ripara cu e opinion tocante e scohemento di un nomber nobo ta diferencia hopi for di otro, nos a dicidi pa ta sumamente cuidadoso cu e scohemento di un nomber nobo pa „Arubaanse Courant”. Pasobra, supone cu 49 por ciento di nos abonadonan ta prefera un nomber nobo pa e corant, pero 51 por ciento ta prefera pa e corant mantene su nomber actual, anto e ora nos lo ofende mayoria door di scohe un otro nomber. Pesei nos lo trata e asunto aki na un manera democrático y cu euidad. Awor cu nos a ricibi e ultimo remesanan, nos lo nombra un hurado, cu for di tur e remesanan lo escohe e mihor euidad, diez of diercien. Ora cu esey a tuma lugar y laga nos bise e mihor diercienan a worde scohe, entre cual siguramente e nomber actual di nos corant („Arubaanse Courant”), nan lo worde publica. Despues nos lo laga nos abonadonan scohe e di mihor for di e 10 nan aki. Un siman larso tur e abonadonan lo hanja e oportunidad pa laga nos sabi cual di e 10 nombernan nan ta prefera. E nomber cu nanan mas voto na moda di bise, lo ta e nomber. Y si mayoria prefera e nomber bieuu esta esun actual, e ora e nomber lo no cambia y e premio ta bai pa un di esunnan cu a skirbi nos cu nan ta prefera pa e nomber actual worde manteni.

Pa duna nos lectornan e oportunidad na tambe goza di e reaccionnan carinjos cu nos a hanja for di diferente di nos lectornan durante di e concurso aki, nos ta publica algun frazanan, for di e cartanan cu apoyonan carinosos, cu nos a ricibi.

Arubaanse Courant, Bo nomber ta bunita y gracioso, pa mi opinion no tin otro nomber mas adecuado pa jama bo cu „Arubaanse Courant”. Un heude ta mori bieuu cu su nomber y nos a custumbra coe bo nomber dushi, saludo

AGENS ALMARI  
Mabon 9, Savaneta

Na promer lugar un palabra di gratitud di mi banda pa e bon idea di cambia e nomber di nos corant, va cu e ta un corant pa nos pueblo Arubano, tabata dushi berde si e por a carga un nomber papiamentu. No cu „Arubaanse Courant” ta sona malo, alcontrario ya nos a custumbra cuné eaba. E nomber cu ami ta desea pa nos corant ta sona como lo siguiente:

ECOPA (ecopar)  
cu accent riba e E, e nomber mester worde lesa, sin embargo no mester scierbié riba dje. Na unda mi a hanja e nomber ey???, wel di lo siguiente manera: E COURANT PA ARUBA y di otro banda e mester worde lesa ECO PA ARUBA of ECO PA ANTILLAS.

F. E. PAULA  
Madiki 42 - Aruba

Como cu ora solo sali e „SOLI” pa henter Aruba, mi kier scohe „SOLI” pa nomber mihor di nos corant. Mi ta spera cu nos corant tambe ta sali pa henter Aruba pinescu cu solo.

FRANCIQUITA BREMER  
R. A. M.

E nomber nobo pa Arubaanse Courant mi a scohe pa COURANT ARUBIANO. Pasobra den e corant ta bini tur cos cu hende por lesa, y na henter Aruba tur hende kier pa mainta jega libe, pasobra e ora nan

por haya nan corant cu tantu nan a spera.

AURA TROMP  
Poos Ch. 56, A.N.

Mi kler a laga Meneer sabi cu mi ta un fiel lezador di Arubaanse Courant. Y awor cu mi a leza di e cambiamiento di e doeshi nomber Arubaanse Courant, cual mi a custumbra semper di dje. Y mi ta luga bise Meneer cu mi a pensa un nomber cu ta DIARIO POPULAR. Mi ta spera cu Meneer lo gusté.

Fiel Servidora  
ELVIA SILLIE  
Bau Barber 189,  
Curacao, N.A.

Fontein is de plaatsnaam van een bepaald plek op Aruba, bij velen welbekend. Een fontein is meestal een altijdwerkende bron. Uw nieuwdienst is ook een bron, zelfs voor velen. Het begint er op te lijken, dat de abonnees de krantenjongens, het blad uit de handen willen pakken om toch zo gauw mogelijk op de hoogte te zijn van datgene waaraan de interesse uitgaat. De rubrieken zijn goed verzorgd, de horoscopen worden gelezen, de agenda omtrent films in bioscopen, apotheken, dokters etc., radio en televisieprogramma's mogen er zijn. Zo U zich niet kunt verenigen met het nieuwe hoofd FONTEIN (bron) dan zou eventueel overgegaan kunnen worden naar het eveneens correcte, „FUENTE”, dat eveneens bron betekent. En U weet het, nieuwsberichten worden uit zekere bron, die twee worden horen bij elkaar als tweelingen.

H. SCHAAP  
Water en Energiebedrijf  
Oranjestad

Mi ta un abonado di Arubaanse Courant durante hopi anja, y mi opinion ta: pa no cambia e nomber di e corant, pasobra Arubaanse Courant ta usina populariza cu ora nos tende su nomber nos sa kiko e ta. Ademas pakiko cambia su nomber si na papiamentu ta usa hopi palabra hulandes. En caso cu ta un decision irrevocable di cambia e nomber di e corant, mi ta propone pa titulo: „INFORMADOR MATUTINO ARUBO”.

R. J. MALDONADO  
p/a La Popular,  
Socotorolaan

E nomber di e corant aki mi ta haya cu mester worde jama „CAMPION”. Mi ta haya esey un bon nomber pasobra mi sa cu Arubaanse Courant ta e corant mas popular den Antillas, y esun di mejor den noticia y propaganda, pesey mi kier pa e worde jama „CAMPION”. Champion of el Campeon.

MARCIAL MULLER  
Weg Sero Preto 45A  
San Nicolas

Mi sugestioonan pa un nomber nobo pa Arubaanse Courant ta „LORRA”. Esaki ta un pajaro cu tin aki na Aruba; e ta duna tur noticia; ademas e ta trece alegria y alavez esaki ta indica cu Arubaanse Courant ta e diercien lesa na tur parti di Aruba.

H. M. NICOLAS  
Weg Rooi Hundo 110-B,  
San Nicolas

Un abonado di Arubaanse Courant mas di 10 anja. Como cu henter pueblo ta na hallura, y ta trabando duro pa scohe un nomber na papiamentu pa tuma lugar di „Arubaanse Courant”. Pa motibo cu e

number actual a traha hopi caba. Y pesey segun mi ta leza corant ta deseabel di su Directiva pa scohe un nomber na papiamentu pa bini na su lugar. Como mi ta un abonado desde hopi tempo mi kier a usa e oportunidad mester, pa duna mi unico corant preferi, un nomber adecuado. Pa motibo semper mi a lesa e corant aki y no pasobra cu e ta un corant na papiamentu, sino mas principal pa su noticianan internacional como local. Un corant simpatico, favorabel y adecuado pa su informacionnan Interior y Exterior. Y awor mi nomber scogi na lugar di „Arubaanse Courant” lo ta „IDEAL”.

LUIS GEERMAN,  
Macurima 134

Na promer lugar mi kier bise cu ta un concurso masha fantastico Arubaanse Courant ta haciendo y mi ta spera cu Arubaanse Courant lo haci hopi mas. Mi kier bise ta cual ta e nomber cu mi ta luga masha bon pa un corant tin lesa na Aruba. E nomber ta „LESANDO NOTICIAS”. Mi ta usa e nomber aki pasobra e ta energico, facil pa pronuncia, caracteristico y digno, na especialmente facil pa pronuncia. Y ta berdad „LESANDO NOTICIAS” kler meen lesando tur noticias cu tin den henter mundo.

NIDIA PICHARDO  
c/o Bob Steele Ins. Box 137  
San Nicolas

Mi a bin na un idea cu e nomber nobo pa nos corant sigur por ta „ETERNAL”, pasobra e nomber aki ta facil pa pronuncia pa Antillanonan, Hulandesnan, Latinonan y Mericanonan (tur e nacionnan ey sa di e palabra aki); y di repente tambe e ta bise cu nos corant aki ta asina bon cu „semper” (eterno) lo e worde lesa, y tambe e tin su acento local ya cu e ta un palabra na nos idioma, pues papiamentu.

Boso lector  
MICHAEL CROES  
Sta. Cruz 116

Un nomber nobo cu mi a scohe pa e corant ta lo siguiente „BON DIA ARUBA”, como cu e ta un corant cu ta worde reparti tur dia ariba Aruba, que meen cu e nomber aki ta saluda Aruba y su poblacion tur dia cu noticianan importantec.

TARCISIO BRETE  
Tanki Leendert 94

Ami como abonado di e corant menciona ta hanja cu e nomber „BON DIA” diario pa Aruba, ta e nomber cu henter pueblo lo acepta pasobra e ta 100% papiamentu y alavez e ta saluda henter e pueblo lezador.

INA TROMP  
Tanki Leendert 251B

Despues di a pensa hopi mi a jega na e conclusion cu e nomber mas adecuado y mas resonante pa mi Diario Arubano cu ta traha na favor di Aruba y ta defende interes di Aruba ta: „ARUBA ARIBA”. Esey ta un nomber bunita y cu ta nifica cu e Diario quita pa Aruba bal mas y mas aribu; y ta luga pa su elevacion y progreso. E ta un nomber tambe cu ta fucl pa pronuncia pa hendenan di habla Ingles, Hulandes, Spanjo y tur otro idiomannan. Y aunque ta bal bin un hotel cu e nomber ey, no ta importa, pasobra empresa di hotel y periodismo ta dos cos henteramente distinto. Mi ta spera cu pronto lo mi sigi paga mi suscripcion mensal na Diario „ARUBA ARIBA” cnvez di „Arubaanse Courant”, nomber „Hulandes pa un diario cu ta sal cnsi totalmente na papiamentu”.

PETRONILIA FIGARO  
Rooy Santo S, Noord.

„Come cu e nomber Arubaanse Courant ta hopi custumbra pa mi:

Mi ta desea Arubaanse Courant como e nomber nobo: „ARUBA SU COURANT”.

MARIA HELDER

E nomber preferi ta „BONDIA”, esaki ta pa motibo cu ta un corant cu ta sali tur mainta ora cu cada hende mester jama of bise BONDIA y tambe e ta un nomber facil pa pronuncia, completamente papiamentu, e ta educativo y tambe algo cu diariamente ta worde usa pa uno y tur.

JUAN GEERMAN,  
Sta. Cruz 240

Ami, como un fiel lector di „Arubaanse Courant”, a scohe e palabra „LUCERO” pa encabeza nos corant. E palabra „LUCERO” tin varios nificaciones, e.o. un strea cu ta sali den ultimo oranan di anochi, of sea mainta tempran (Na Hulandes nan ta bise „Morgenster”), den boca di pueblo, Lucero tambe kien meen un luz riba cual nos ta concentra nos, un luz cu ta guia nos; cu poco palabra, un claridad cu ta hala tur atencion. Un Lucero ta of tin un fuente di claridad, di ki moda ku ta, sino e n' por manda claridad.

Asina ta cu mi ta haya „LUCERO” un nomber adecuado pa nos diario, pa motibo cu nos corant tambe ta haya INFORMACIONNAN VIA VARIOS PERSONANAN (Periodistanan of otro, e FUENTE); y via e personanan nos corant ta haya un clase di energia, bida; despues di esey pueblo por disfruta di (of dirigi su mes na) e corant „LUCERO”.

LEONCITA VROLIJK  
Sabana 167  
(Esposa di M. Vrolijk,  
abonado)

Cu mucho gusto mi kler a skirbi e dos letternan aki na meneer, Juffrouw, senjora, senjorita, mi'n sa ta kien ni ta kwa. Mi a hanja pa pone e nomber nobo di „Arubaanse Courant”, „BON DIA CU ALEGRIA”, pasobra mainta asina mi lanta promer cos cu mi ta corda ariba dje ta e corant voorai pa mi waak e „Horoscopo” pa mi sa kiko e dia lo trece awe pa mi. Henter dia bai mi ta camina ariba abau ta waak ki ora e mucha lo bini pa trece e corant.

Anto ora e corant jega ta manera ta alegria den cas. Y ta pesey mi a dicidi di jama e corant aki „BON DIA CU ALEGRIA”.

ALGA IGNACIO,  
Fergusonstraat 50 - Dakota

Mi a aprecia e desco di un nomber nobo cu lo ta bastante cortico y cu lo ta aprecia pa tur hende di bon smaak, esta e nomber „AGUILA”, ta un parha poderoso, asina cu nos corant tambe lo ta poderoso, pa drenta tur cas di nos dushi Aruba.

FELIP VENANCIO BARENO  
Piedra Plat 13

E nomber cu mi kler pone ta: „ARUBA SU COURANT”, pasobra e ta klink mesos cu Arubaanse Courant. E nomber ya ta custumbra caba y e ta mas facil pa pronuncia.

JOSSY CROES  
Tanki Leendert 138

Ik wil niet langer wachten met de naam voor de „Arubaanse Courant” in te sturen die ik geschikt acht voor een blad van zijn doel en werkwijze: de mensen die het Papiaments als moedertaal hebben, en ook al de anderen die voldoende Papiaments kennen en van mening zijn dat het Papiaments terecht de volkstaal van het eiland is, van plaatselijk en ook van iets wijder NIEUWS te voorzien. De naam „Arubaanse Courant, gaf dat

goed weer; alleen was het natuurlijk een ongerijmdheid — die historisch wel interessant was — dat juist zijn naam NIET in het Papiaments vermeld was. Ik zou hem eenvoudig en duidelijk noemen: DIARIO ARUBANO”.

FRERE ARNOLD  
(Freres Huize de la Salle)  
Oranjestad

Mi ta scohe „TRUPLAL” pasobra Truplal ta un besla cu ta bula henter Aruba cu su canto bunita. Mi ta spera cu nos corant tambe lo bula den tur skina di Aruba mesos cu un Truplal cu su noticianan.

ALBERTO BREMER  
Rooi Afo 31, Paradera

Na promer lugar mi cordial saludo, ricibi tambe pa medio di esaki mi sincera felicitacion pa e exito di Bo, of nos corant; na e mesun tempoe ta sinti mi koe e nomber di Arubaanse Courant lo disparece, pero di henter mi coazon mi ta desea

mira un nomber digno pa nos corant Arubano, cual den e ultimo tempoe a bira asina agradabel, interesante y popular; koe mi ta aprecia mas ta e „APUNTES EDITORIAL” e conehonan na debito tempoe, critica ora mester, pero koe tambe sabi di elogia na unda, of cual koe merece. Pesey ta mas cu natural koe mi tambe lo kier toema parti den e tarea difícil aki, na juda selecta un nomber nobo pa nos corant; pero kende lo ta e persona koe lo por hacie mehor koe nos toer? (Senjor Redactor mes). E nomber cu mi a pensa for di prome dia, i mi no a dicidi na cambia ta: „CONSEHERO”, diario Arubano, na lugar di Diario pa Aruba.

C. EVERTS,  
Scroes Pretoe 7,  
Lourdes Grocery, S.N.

„Cu mucho gusto ami como abonado di Arubaanse Courant mi kler participa den e concurso di un nomber nobo pa nos Courant Arubano.

Pa un nomber na Papiamentu cual tur Arubano ta papia”.

V.-A. ROZA,  
Boegeroel 18

„Cu un cordial saludo na Senjor Redactor di Arubaanse Courant mi ta dirigi e cartica aki den cual mi a keda mashar contento cu porfin nos cu ta abonados por participa den, algo tambe. Como cu den prome concurso mi no a participa mi a dicidi di tuma parti den di dos concurso como cu mi a lesa mashar hopi nomber pa, por cambia esun di Arubaanse Courant. Mi ta bai menciona algun cu kizas por ta na agrado of alavez divertido of carinjos”. Despues di a duna 39 nomber e abonado aki ta continua: „I aki mi ta recorda un palabra di un Gran Hombre i mi ta kere cu sigur lo e ta pas pa nos cambiele e nomber. Ki binita lo e pronuncia ora nos jame i cambie pa „UN ERA NOBO”.

CATHARINA RUIZ,  
Alto Vista 58

## Ultimo remesanan pa concurso „Nomber Nobo”

ORANJESTAD, 16 agosto — Cu e nombrenan aki nos ta cera e concurso pa un nomber nobo pa „Arubaanse Courant”. Cientos di nombrenan nos a ricibi, di cual un lo ta e nomber preferi. Cual lo e ta? Esey nos no sabi ainda, pero en todo caso aki ta sigui e ultimo nombrenan cu nos a ricibi:

A.B.C.  
Advertencia  
Ala De Oro  
Antilla  
Antillen Corant  
Antilla Su Corant  
Antillanese Nieuwsberichterij  
Aruba 100%  
Aruba's  
Aruba Ariba Diario 1963  
Aruba Cristal  
Aruba Dushi Cu Su Courant  
Aruba Legtimo  
Arubaans Dagblad  
Arubaanse Morgenster  
Arubaans Vrijheids Courant  
Arubaanse Ochtendblad  
Arubaanse Corant  
Atencion-Aruba  
Awa-Blauw  
Banlessa  
Baratillo  
Baulvard  
Biba Nos  
Blachi Criollo  
Boletin Diario  
Bon-Bini  
Bon-Nobo  
Bon y Pico  
Campesina  
Carnaval  
Carpata  
Cawara  
Companjera  
Completo Arubano  
Con Bal  
Con Ta  
Con-Ta-Bal  
Consuelo  
Cooperador  
Corant Antillano  
Corant Bjenestaar Aruba  
Corant Legtimo Rublano  
Corant Preto y Blanco  
Corant Royal  
Corant Tropical  
Corant di Aruba  
Coronitas  
Courant Democrático Arubano  
Courant Neutral  
Courant Patriotico Arubano  
Courant Preferi  
Courant Vencedor Na Aruba  
Critica di P.P.A.

Daily Spotlight Arubano  
Dandee  
Defensor Arubano  
Defensor Nacional  
Delantero  
Diario Especial  
Diario General  
Diario Informacion Arubano  
Diario Legtimo  
Diario Mehor Informador  
Diario Nacional  
Diario Neutral  
Diario Sensacional Courant  
Diario Simbolo  
Diverticon  
Domadario Arubano  
E Flamingo  
E Grito Despertador  
E Promer  
E Strea di Marduga  
E Unico Diario  
El Campeon  
El Domadario Arubano  
El Mensahero Antillano  
Eco Aruba  
Eko  
Ella  
Enemigo di „Amigoe”  
Exito Antillano  
Fidelidad  
Flor di Anglo  
Fojo di Aruba  
Fundador  
Gracia  
Historia di Aruba  
Imparcialidad  
Informacion  
Jiu di Aruba  
Jiu di Tera  
Flor di Aruba  
Hup Aruba  
Idioma Intimo Arubano  
La Prensa Arubano  
Libertad di Pueblo  
Loke Nos Kier  
Luchador  
Luna Jen  
Matutino  
Mensahero Arubano  
Mi Alivio  
Mi Amigo di Tur Dia  
Mi Bida  
Mi Desengano  
Mi Fiel Amigo  
Mi So  
Mi Testigo  
Natalidad-Arubano  
National  
Nobedad  
Nos Amigo di Tur Dia  
Nos Baranca  
Nos Camara  
Nos Courant di Tur Dia  
Nos Deporte

Nos Diario Mas Lesa  
Nos Dushi Papiamentu  
Nos Gobierno  
Nos Kompas  
Nos Lucha  
Nos Novelas  
Nos Patria  
Nos Patria di Caribe  
Nos Ultimo Ritmo  
Nos Voz  
Noti-Aruba  
Noticia Arubana  
Noticia Tropical  
Novedad  
Ola Nobo  
Oro  
Pagina Nacional  
Palomita  
Papiamentu Sol  
Papiami  
Pasa Bon  
Pasat  
Patu Preto  
Pegasaja  
Pikante  
Prensa Liber  
Prensa Social  
Progresista  
Publicidad Flambojan  
Publicidad Lorita  
Puntualidad  
Radical  
Rajito di Aruba  
Relno Antillano  
Sancochi  
Santo di Aruba  
Servicio  
Solito  
Solo di Tur Dia  
Spanto di „Amigoe”  
Splendor di Aruba  
Splendor di Solo  
Ta-Mi-Mes  
Telaruba  
Tempestad  
Tempran  
Tende Bon  
Tcoro  
Toer Dia  
Trella di Aruba  
Trcs Cu Dles  
Tur Noticia  
Tuturito  
Ultimo Noticias  
Un Era Nobo  
Unl  
Unico Diario  
Unico Lucion  
Ur Chinez  
Vigilancia  
Vila-Aruba  
Vocero  
Warawara  
100% Arubano